

Kalaallit-nunaanni nunat allamiut pillugit inatsisip allannguutissaata atuutilernissaanut aalajangersagaliornissaq pillugu Inatsisartut aalajangernissaat pillugu oqaaseqaateqarnissaq (Nunamut isernissamut malittarisassat ataatsimoorussat allassimangitsut (isernissamut malittarisassat) pillugit peqqussummik pilersitsinissaq, paasisassarsiorluni suliaqarnerit assigisaallu pillugit maleruagassanik aalajangersaanissamut pisinnaatitaaffiliinissaq.)

(Inuussutissarsiornermut, Aatsitassaqarnermut Suliffeqarnermullu Naalakkersuisoq)

Saqqummiussineq

(Inuussutissarsiornermut, Aatsitassaqarnermut Suliffeqarnermullu Naalakkersuisoq)

Siullermeernera

Matumuuna Kalaallit-nunaanni nunat allamiut pillugit inatsisip allannguutissaata atuutilernissaanut aalajangersagaliornissaq pillugu Inatsisartut aalajangernissaat pillugu oqaaseqaateqaatissaattut siunnersuut saqqummiutissavara.

Siunnersuut aqqutigalugu Danmark-ip Schengen-imi isumaqaqitigiisummi maleruagassat malillugit pisussaaffimminik malinninnissaa qulakkeerneqassaaq. Danmarkip naalagaffiup killeqarfiini avalliusuni, Kalaallit-nunaaniittuni, sukumiisumik nakkutiginninnissami alaatsinaannissamilu qulakkeerinneqataanissamik pisussaaffeqarpoq.

Siunnersuut tunngavigalugu Europa-Parlament-ip kiisali Rådet-ip nunamut isernissamut paasisitsiniutigineqarnissaa pillugu aaqqissuussinermut (VIS) peqqussut qallunaat killeqarfinnik nakkutilliinermut atatillugu atorineqarsinnaalissaaq. VIS atorlugu nunamut isernissamut qinnuteqarnermut periutsit oqinnerilersinneqassapput kiisalu "visumshopping" pinaveersaartinneqassalluni, tassa nunamut isernissamut akuersisartut nunamut isernissamut qinnuteqaatinik tigusinerminnut atatillugu naalagaaffiup ilaasortaasup siusinnerusukku qinnuteqaatit aalajangersimasut tigusimasatut nalunaarsorsimaneraat kiisalu qinnuteqaat itigartitsinneqarsimassagaluarpat tunngavilersuutit, akuersisummi arsaarinnittoqarsimanersoq assigisaallu nalunaarsorneqarsimanersut nakkutigineqarsinnaalersillugit. VIS-imut tunngatillugu peqqussut tunngavigalugu akuersisummi qinnuteqartumut tunngatillugu paasisutissat, VIS-imi qinnuteqartai ipaasa naqinneri assingalu ilaatinneqassapput

Kalaallit-nunaata innuttaasut pas-eqaratik allanillu pappialanik nittagaqaqqaaratik Danmark-imutisersinnaajuarnissaat qulakkeerniarlugu siunnersuut tapersertariaqarpaa.